

1047-18/21

Ugovorni organ Javna ustanova Opća bolnica „Prim. dr. Abdulah Nakaš“, ul. Kranjčevićeva broj 12, Sarajevo, koju zastupa v.d. direktor Prof. dr.sci.med Ismet Gavrankapetanović (u daljem tekstu: Naručilac)

i

Ponudač PORSCHE INTER AUTO BH d.o.o. Sarajevo, ulica, Bulevar Meše Selimovića broj 16, 71000 Sarajevo, ID broj 4202574310004, transakcijski račun broj 1610000208240096 otvoren kod Raiffeisen banke d.d. Sarajevo, koga zastupa direktor Alex Andor Vaszi (u daljem tekstu: Dobavljač)

sklopili su sljedeći

OKVIRNI SPORAZUM ZA NABAVKU USLUGA ODRŽAVANJA BOLNIČKIH VOZILA

UVODNE ODREDBE

Član 1.

Na osnovu provedenog konkurentskog zahtjeva za dostavu ponuda s namjerom sklapanja Okvirnog sporazuma za nabavku usluga održavanja i servisiranja bolničkih automobila u trajanju od 1 (jedne) godine, provedenog na osnovu člana 32. Zakona o javnim nabavkama („Službeni glasnik BiH“ broj 39/14), Ugovorni organ je kao najpovoljniju ponudu za LOT 1 – Usluge održavanja i servisiranja putničkog vozila ŠKODA FABIA, u skladu sa postavljenim kriterijem za dodjelu okvirnog sporazuma, odabrao ponudu ponuđača PORSCHE INTER AUTO BH d.o.o. Sarajevo broj: PIA-51/21-SiH od 16.03.2021. godine.

Obrazac za cijenu ponude sa jediničnim cijenama odabranog ponuđača je prilog ovog Okvirnog sporazuma i čini njegov sastavni dio.

PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za sklapanje okvirnog sporazuma o nabavci usluga održavanja i servisiranja bolničkih automobila za LOT 1 – Usluge održavanja i servisiranja putničkog vozila ŠKODA FABIA (u daljem tekstu: pojedinačni ugovori) između Naručioca ili Dobavljača.

Količine navedene u Obrascu za cijenu ponude iz člana 1. stav 2. ovog Okvirnog sporazuma su okvirne i zavisit će o raspoloživim finansijskim sredstvima i potrebama Naručioca.

Dobavljač se obavezuje da će vršiti usluge u skladu sa tenderskom dokumentacijom, narudžbenicom od strane Naručioca i svojom ponudom.

Član 3.

Okvirni sporazum se zaključuje na period od 1 (jedne) godine.

SKLAPANJE UGOVORA NA OSNOVU OKVIRNOG SPORAZUMA

Član 4.

Kada se utvrdi potreba za vršenjem predmetnih usluga, sačinjava se specifikacija i spisak usluga sa potrebnim količinama na osnovu koje se izrađuje Ugovor po okvirnom sporazumu za konkretnu nabavku.

Odsjek za javne nabavke sačinjava Ugovor u skladu sa odredbama okvirnog sporazuma, tenderske dokumentacije i ponude, te poziva ovlaštenog predstavnika ponuđača da izvrši potpis ugovora.

Nakon obostranog potpisa ugovora dva primjerka se dostavljaju ponuđaču, a dva se zadržavaju kod ugovornog organa.

U slučaju povrede ugovornih obaveza nastalih potpisivanjem Ugovora u okviru Okvirnog sporazuma, Naručilac može raskinuti ugovorni odnos pisanim putem ili na drugi dokaziv način.

ROK IZVRŠENJA USLUGA

Član 5.

Usluge će se vršiti tokom trajanja Okvirnog sporazuma u skladu sa potrebama ugovornog organa u količinama koje će se odrediti prilikom svake usluge.

Rok za izvršenje usluge je 24 (dvadesetčetiri) sata, odnosno u dogovoru sa Naručiocem, po prispjeću vozila ugovornog organa u ovlaštenom servisu Dobavljača.

MJESTO IZVRŠENJA USLUGE

Član 6.

Usluge koje su predmet nabavke će se vršiti u ovlaštenom servisu najpovoljnijeg ponuđača servisu koji mu je na raspolaganju na području Kantona Sarajevo.

CIJENA

Član 7.

Ukupna vrijednost Okvirnog sporazuma sa uračunatim iznosom na dodatnu vrijednost iznosi 1.578,53 KM (slovima: jednahiljadapetstotinasedamdesetosam i 53/100 KM).

Jediniče cijene nepromjenjive su tokom primjene Okvirnog sporazuma i utvrđivat će se na način opisan u tenderskoj dokumentaciji za ovu nabavku.

Svi ostali uslovi zaključenog Okvirnog sporazuma su nepromjenjivi tokom njegove primjene.

ROK PLAĆANJA

Član 8.

Naručilac je dužan obaveze po računima platiti Dobavljaču uplatom na njegov žiro račun, u roku 60 (šezdeset) dana od dana ispostavljanja računa za uredno izvršenu uslugu.

POVREDE UGOVORNIH OBAVEZA

Član 9.

U slučaju prekoračenja roka izvršenja usluge iz člana 5. ovog Okvirnog sporazuma Naručilac ima pravo raskinuti pojedinačni ugovor uz naplatu kazne radi pretrpljene štete zbog kašnjenja isporuke i kršenja ugovornih obaveza od strane Dobavljača.

Ugovorna kazna u visini od 1% vrijednosti pojedinačnih ugovora, odnosno narudžbenice, naplatit će se u slučajevima:

- Servisiranja neugovorenog vozila,
- Neotklanjanja nedostatka odmah nakon zaprimanja obavijesti i
- Povrede drugih obaveza preuzetih pojedinačnim ugovorom.

GARANCIJA ZA UREDNO IZVRŠENJE OKVIRNOG SPORAZUMA

Član 10.

Dobavljač je dužan da u roku od 10 (deset) dana od dana zaključenja Okvirnog sporazuma dostavi безусловnu bankarsku garanciju (avaliranu mjenicu) za dobro izvršenje posla u iznosu od 10% vrijednosti Okvirnog sporazuma sa uračunatim PDV-om.



U slučaju da Dobavljač ne dostavi Garanciju za uredno izvršenje Okvirnog sporazuma (Avaliranu mjenicu) u skladu sa odredbama iz tenderske dokumentacije, zaključeni Okvirni sporazum se smatra apsolutno ništavim.

OSTALE ODREDBE

Član 11.

U slučaju eventualnog spora proisteklog iz ovog Okvirnog sporazuma, strane će isti nastojati riješiti dogovorom, a u protivnom putem nadležnog suda u Sarajevu.

Ovaj Okvirni sporazum stupa na snagu danom potpisivanja obje sporazumne strane.

Član 12.

Ovaj Okvirni sporazum sastavljen je u 4 (četiri) istovjetna primjerka, od kojih 2 (dva) primjerka zadržava Dobavljač, a 2 (dva) primjerka Naručilac.

Pripremila:

Amira Petrović, BA općeg prava, šef Odsjeka za javne nabavke

Kontrolisala:

Amela Smajić - Džadžeragić, BA općeg prava, šef Odjeljenja za zajedničke poslove

Amira Petrović
Amela Smajić - Džadžeragić

Dobavljač
PORSCHE INTER AUTO BH d.o.o. Sarajevo

DIREKTOR

Alex Andor Vaszi




Broj PIA-U-207/21
Sarajevo, 12.04.2021 godine

Naručilac

**Javna ustanova Opća bolnica
"Prim. dr. Abdulah Nakaš"
V.D. DIREKTOR**

Prof. dr. Ismet Gavrankapetanović



Broj: 1047-18/21
Sarajevo, 23.03.2021. godine

[Handwritten signature]